

U G O V O R **o nabavci usluga**

zaključen između:

Javna ustanova Opća bolnica „Prim. dr. Abdulah Nakaš“,
Sjedište: Kranjčevićeva broj 12, Sarajevo,
koju zastupa v.d. direktor Prof. dr. Ismet Gavrankapetanović,
Identifikacijski broj: 4200288400001,
(u daljem tekstu: **Naručilac**)

i

KJKP „RAD“ d.o.o. SARAJEVO,
Paromlinska broj 57, Sarajevo,
koga zastupa v.d. direktor Mirsad Hošić,
Identifikacioni broj: 4200316890001,
transakcijski račun dobavljača: 3389002208077649
naziv banke dobavljača: UniCredit bank d.d. Sarajevo
(u daljem tekstu: **Dobavljač**),

PREDMET UGOVORA

Član 1.

Predmet ovog ugovora je nabavka usluga i to: komunalne usluge –

1. Odvoz smeća – šifra 20 03 01 koje se sastoje od sljedećeg:
 - Redovno prikupljanje i odvoz kućnog otpada – 3 x, korpa sa papirom – svaki drugi dan
 - Ukupna korisna površina Javne ustanove Opća bolnica „Prim. dr. Abdulah Nakaš“ sastoji se od 27.000 m².
2. Odvoz sterilisanog infektivnog otpada – šifra 18 01 04
3. Odvoz kabastog otpada – šifra 20 03 07

dalje: U skladu sa članom 10. stav (1) tačka d) Zakona o javnim nabavkama („Službeni glasnik BiH“ broj 39/14), članovima 3., 4., 6., 7., 8., 9., 10. i 23. Zakona o komunalnim djelatnostima Kantona Sarajevo („Službene novine Kantona Sarajevo“ broj 31/04), članovima 2., 5., 20. – 35. Zakona o komunalnoj čistoći Kantona Sarajevo („Službene novine Kantona Sarajevo“ broj 11/97), Dobavljač će vršiti usluge Naručiocu u skladu s Operativnim planom Dobavljača i odredbama ovog ugovora.

CIJENA

Član 2.

Cijena koju će Naručilac isplatiti Dobavljaču za usluge iz člana 1. Ugovora iznosi:

Za stavku 1. člana 1. Ugovora.

na mjesečnom nivou:

- Cijena bez PDV-a: 2.700,00 KM;
 - PDV: 459,00 KM;
 - Cijena sa PDV-om: 3.159,00 KM
- (slovima: trihiljadejedenastotinapedesetdevet i 00/100 KM)

odnosno na godišnjem nivou:

- Cijena bez PDV-a: 32.400,00 KM;
 - PDV: 5.508,00 KM;
 - Cijena sa PDV-om: 37.908,00 KM
- (slovima: tridesetsedamhiljadadevetstotinaosam i 00/100 KM)

Navedene cijene utvrđene su zaključkom broj: 02-012-88/95 iz 2006. godine Izvršnog odbora grada Sarajeva.

Za stavku 2. člana 1. Ugovora

- Cijena bez PDV-a: 6.000,00 KM;
 - PDV: 1.020,00 KM;
 - Cijena sa PDV-om: 7.020,00 KM
- (slovima: sedamhiljadadvadeset i 00/100 KM)

Za stavku 3. člana 1. Ugovora

- Cijena bez PDV-a: 1.000,00 KM;
 - PDV: 170,00 KM;
 - Cijena sa PDV-om: 1.170,00 KM
- (slovima: hiljadustosedamdeset i 00/100 KM)

Finansijska sredstva za predmetnu nabavku obezbjeđena su na osnovu Plana nabavki za 2020. godinu broj 43-22/20 od 29.01.2020. godine (stavka 357.).

Sve promjene vezane za predmetni ugovor, ugovorne strane će regulisati posebnim anex-om ugovora, osim promjene cijene usluge koja se primjenjuje odmah po njenom donošenju i stupanjem na snagu iste, bez obaveze da se izmjena cijene utvrdi anex-om na ovaj ugovor

USLOVI I NAČIN PLAĆANJA

Član 3.

Plaćanje će se izvršiti u roku **8 (osam) dana** od dana zaprimanja računa i radnog naloga potpisanog od strane ovlaštenog lica Naručioca za izvršene usluge.

Plaćanje se obavlja na žiroračun Dobavljača. Naručilac ne prihvata avansno plaćanje i traženje sredstava osiguranja plaćanja. Ukupna plaćanja Dobavljaču bez PDV-a na temelju sklopljenog ugovora ne smiju prelaziti procijenjenu vrijednost nabavke.

Naručiočeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju kupca ni onda kada je fakturu primio, a nije joj prigovorio.

ROK IZVRŠENJA USLUGA

Član 4.

Rok izvršenja usluga iz člana 1. ovog ugovora je 1 (jedna) godina dana računajući od datuma obostranog potpisivanja ovog ugovora.

Pod izvršenjem usluga se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Naručilac mogao primiti izvršenje usluga.

Dobavljač je dužan izvršiti ugovorene usluge prema vrsti i kvaliteti predviđenim ugovorom te njegovim priložima. Dobavljač je dužan predati Naručiocu svu dokumentaciju koja se odnosi na izvršenje usluga.

Mjesto izvršenja usluga je Javna ustanova Opća bolnica „Prim. dr. Abdulah Nakaš“.

Naručilac se obavezuje isplatiti cijenu i primiti izvršenje usluga onako kako je predviđeno ovim ugovorom. Naručiočeva obaveza prijema ugovorenih usluga općenito se sastoji u obavljanju svih radnji koje se razumno od njega očekuju da bi omogućio Dobavljaču izvršiti usluge i u prijemu usluga.

NAČIN IZVRŠENJA USLUGA

Član 5.

Dobavljač je obavezan usluge iz člana 1. Ugovora izvršiti u roku, na način i pod uslovima određenim ponudom Dobavljača i odredbama ovog ugovora te pri tome postupati sa pažnjom dobrog stručnjaka, u suprotnom preuzima i snosi punu odgovornost, troškove i rizik.

U izvršenju usluga Dobavljač je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja / vještina za konkretne poslove.

Naručiočeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju kupca ni onda kada je fakturu primio, a nije joj prigovorio.

VIŠA SILA

Član 6.

Ako slučaj više sile spriječi, potpuno ili djelimično, izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 (sedam) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 (trideset) dana, ugovorne strane će se sporazumijeti o daljoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

STUPANJE UGOVORA NA SNAGU

Član 7.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu.

PRIMJENA ZAKONA O OBLIGACIONIM ODNOSIMA

Član 8.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi s i povodom izvršenja ovog ugovora.

RJEŠAVANJE SPOROVA

Član 9.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Ukoliko se Dobavljač pri vršenju usluga ne bude pridržavao uslova iz Poziva za pregovarački postupak bez objave obavještenja o nabavci, Naručilac stiče pravo na jednostrani raskid ugovora u roku od 30 (trideset) dana.

OSTALE ODREDBE

Član 10.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 11.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 12.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

PRIPREMILA:

Amira Petrović, BA općeg prava, šef Odsjeka za javne nabavke

Amira Petrović

KONTROLISALA:

Amela Smajić – Džaferagić, BA općeg prava, šef Odjeljenja za zajedničke poslove

DOBAVLJAČ:
KJKP „RAD“ d.o.o. SARAJEVO




V.D. DIREKTOR

Mirsad Hošić

Mirsad Hošić

NARUČILAC USLUGA:
JU Opća bolnica
„Prim. dr. Abdulah Nakaš“



V.D. DIREKTOR

Prof. dr. Ismet Gavrankapetanović

Prof. dr. Ismet Gavrankapetanović

Broj: *11-02-04-19135/20*
Sarajevo, *11.11.2020*

Broj: *8423-2/20*
Sarajevo, 13.10.2020. godine